



## Inatsisartunut ilaasortaq Doris Jakobsen, Siumut /-maani

### Nunatsinni innaallagiamik pilersorneqanngitsut pillugit § 37 aqcutigalugu apeqquteqaat nr. 125-imut akissuteqaat

27-06-2014  
Suliap nr. 2014-101006  
All. nr. 1620132

Asasara Doris Jakobsen

Postboks 1614  
3900 Nuuk  
Oqarasuaat (+299) 34 50 00  
Fax (+299) 34 54 10  
E-mail: apn@nanoq.gl  
www.naalakkersuisut.gl

Apeqcutissinnut qujanarujussuaq. Isorliunerusuni inuuniarnikkut atugassarititaasut Naalakkersuisunit isiginiarneqartorujussuupput. Majimi nunaqarfiit pillugit ataatsimeersuarnermi erseqqissaatigineqarpoq, sumiiffimmiit sumiiffimmut attaveqaasersuutitigut pilersuinikkullu atugassarititaasut assigiinngitsorujussuusinnaasartut. Tamatumanilu innaallagiamik pilersuineq kisimi eqqarsaatigineqanngilaq aammali imeqarnermut, qulimiguulimmik tikinneqartarnermut, umiarsualiveqarnermut nioqcutissanillu pilersorneqarnermut aammattaq tunngassuteqarpoq.

Taamaattumik nunaqarfiit pillugit ataatsimeersuarnermut malitseqartitsisussanik naalakkersuisoqarfiit akimorlugit Naalakkersuisut suleqatigiissitaliorniartut. Malitseqartitsiviusumik suleqatigiissitap ilaatigut inoqarfiit sorliit ullumikkut innaallagiqannginnersut paasiniassavaat. Tulliullugulu inoqarfinni taakkunani pilersuinikkut pissutsit pitsanngorsaaviginissaannut suut periarfissaanersut unammilligassaanersullu misissussavaat.

Apeqcutigisatit ataani tulleriarlugit uteqqinneqarput akissuteqarfigineqarlutillu:

#### 1. Nunatsinni inoqarfiit sorliit suli innaallagiqanngillat?

Innaallagiamik- imermillu pilersuineq kommuniniit 1998-imi Nukissiorfinnit akisussaaffigineqarlermat taamani nunaqarfiit pilersorneqartut tamaasa pilersorneqarnissaat Nukissiorfiit akisussaaffigaat.

'Inoqarfiup' qanoq paasineqarnissaanut erseqqissaataasumik nassuiaateqanngilaq. Inoqarfik erseqqissumik nassuiaatissaqartinnagu Kalaallit Nunaanni inoqarfiit qanoq amerlatiginersut oqaatigiuminaappoq, taamaattumillu ullumikkut nunaqarfiit qassit innaallagiqannginnersut erseqqissumik oqaatigiuminaalluni.

Naatsorsuinerit tulliuttuni saqqummiunneqartut Kalaallit Nunaanni Naatsorsueqqissaartarfiup innuttaasut amerlassusaannik 2014-imi januarip 1-ani naatsorsuisimaneranit aallaaveqarput. Naatsorsuinerit sumiiffiit innuttaqartut nalunaarsorsimasut innaallagiamillu pilersorneqanngitsut tamakkerlugit paasissutissaqartaqarpoq:

- Qeqertat, innuttaasut 26-it
- Ikerasaarsuk (Upernaviup eqqaani), innuttaasut 8-sut

Inoqarfiit taakkua Nukissiorfiit pilersuisusfaatitaanerannut ilaatinneqanngillat. Savaateqarfiit ilisimatusarfiillu il. il. pisortanit innaallagiamik pilersorneqanngillat. Inoqarfiit taakkua sumiiffiillu nalinginnaasumik namminneq innaallagissiuteqartarput. Kisianni savaateqarfinni ataasiakkaani Qorlortorsuup nukissiorfiata eqqaani najugaqartunut innaallagiamik pilersuisoqarpoq.

## **2. Qaanaap eqqaani Qeqertat innaallagialerneqarnissaa Naalackersuisut anguniarpaat?**

Qeqertani innaallagissiorfiliortoqarnissaanik Naalackersuisut maannagaaq pilersaaruteqanngillat.

Naalackersuisut isumaqarput, inoqarfiit ataasiakkaat qanoq pisariaqartitsinersut paaseqqaarnissaa pingaaruteqartoq. Sumi pisariaqartitsineq annertunerunersoq, paasereerutsigu qanoq ikiorsiisoqasanersoq nalilersuiffiqarsinnaalissaaq. Taamaattumik tamatuma malitseqartitsiviusumik suleqatigiissitamit ataatsimeersuarnermi pilersinneqartumit misissorneqqaarnissaa pingaaruteqarpoq.

Aammattaaq pingaaruteqarpoq erseqqissassallugu Qeqertani innaallagissiorfeqalissagaluarpat tamanna akisuupilussuusassaamat. Innaalligiamik siammarterivilimmik innaallagissiorfiliorneq ataasiaannartumik aningaasartuuteqarfiusussaannigilaq. Malitsigitillugulu aamma innaalligiamik pilersuinermit ukiumut tapiissuteqartarnissaaq pisariaqartinneqalertussaavoq.

Neriuppunga naammaginartumik akissuteqarfigisimassallutit.

Inussiarnersumik inuulluaqqusillunga  
Med venlig hilsen

Kim Kielsen